

Firma ili naziv (navesti poslovno ime)

JIB

MB

Sjedište/poslovna adresa

Na osnovu člana 49 Zakona o likvidacionom postupku podnosim prijedlog za sprovođenje skraćenog dobrovoljnog likvidacionog postupka. Likvidacioni dužnik nema interesa za daljnju poslovnu aktivnost. Nema obaveza prema drugim pravnim i fizičkim licima.

Predlažem da sud na osnovu ovog prijedloga i priložene dokumentacije otvori i istovremeno zaključi likvidacioni postupak i po pravosnažnosti tog rješenja likvidacionog dužnika briše iz sudskog registra.

Uz prijedlog prilažem:

- a) odluku o dobrovoljnoj likvidaciji u skraćenom postupku,
- b) notarski ovjerenu izjavu ortaka, članova ili dioničara da su izmirene sve obaveze prema povjericima, uključujući obaveze prema radnicima i da se slažu s time da bude sproveden skraćeni dobrovoljni likvidacioni postupak,
- c) aktuelni izvod iz sudskog registra,
- d) potvrdu Centralne banke BiH ne stariju od osam dana od dana podnošenja prijedloga za pokretanje skraćenog dobrovoljnog likvidacionog postupka,
- e) uvjerenje Porezne uprave Brčko distrikta BiH o izmirenim poreznim obavezama ne starije od petnaest (15) dana od dana podnošenja prijedloga za pokretanje skraćenog dobrovoljnog likvidacionog postupka,
- f) uvjerenje Uprave za indirektno oporezivanje BiH o izmirenim indirektnim poreznim obavezama ne starije od petnaest (15) dana od dana podnošenja prijedloga za pokretanje skraćenog dobrovoljnog likvidacionog postupka,
- g) posljednji finansijski izvještaj sačinjen i prezentovan u skladu sa zakonom kojim se reguliše računovodstvo i revizija,
- h) izjavu ortaka, članova ili dioničara o popisu imovine s dokazima, uz prijedlog raspodjele imovine prema vlasničkim udjelima,
- i) dokaz o uplaćenim sredstvima na ime objave oglasa o donošenju rješenja o otvaranju i zaključenju likvidacionog postupka u Službenom glasniku BiH i Službenom glasniku Brčko distrikta BiH,
- j) akt nadležnog organa kojim je dato ovlaštenje licu koje će preduzimati radnje i primati pismena u skraćenom dobrovoljnom likvidacionom postupku.

27

Pravosudna komisija Brčko distrikta Bosne i Hercegovine, na osnovu odredbe člana 71 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta Bosne i Hercegovine, broj 2/10), odredbe člana 14 Zakona o Pravosudnoj komisiji Brčko distrikta Bosne i Hercegovine (Službeni glasnik Brčko distrikta Bosne i Hercegovine, br.: 19/07, 20/07 i 2/08) i odredbi članova 16 stava 2 i 58 stava 1 tačke b) Zakona o likvidacionom postupku (Službeni glasnik Brčko distrikta Bosne i Hercegovine, broj 16/19), na 210. redovnoj sjednici održanoj 19. 11. 2019. godine, donosi

PRAVILNIK O NAKNADAMA I NAGRADAMA ZA RAD LIKVIDACIONOG UPRAVNIKA

Član 1

(Predmet Pravilnika)

- (1) Ovim pravilnikom propisuju se kriteriji i način obračuna naknada i nagrada za rad likvidacionog upravnika koje imenuje sud sa Liste stečajnih upravnika.

Član 2

(Naknada i nagrada za rad)

- (1) Naknada je novčana nadoknada za materijalne troškove (kao što su: troškovi prevoza, dnevnica, troškovi smještaja i sl.), koje su likvidacioni upravnici imali u toku postupka.
- (2) Nagrada je novčana nadoknada za rad likvidacionog upravnika u toku postupka.

Član 3

(Određivanje naknade i nagrade za rad)

- (1) Likvidacioni upravnici primaju naknadu i nagradu za obavljene poslove u toku postupka u kojem su imenovani.

- (2) Naknadu i nagradu za obavljene poslove određuje likvidacioni sudija u skladu s ovim pravilnikom, nakon što likvidacioni upravnik završi sve poslove za koje je imenovan, dostavi izvještaj o toku postupka i izvještaj o troškovima.
- (3) Obrazložen zahtjev za obračun naknade i nagrade likvidacioni upravnik dostavlja sudu zajedno s prijedlogom za glavnu diobu.

Član 4

(Osnovna nagrada)

- (1) Likvidacioni sudija rješenjem utvrđuje visinu osnovne nagrade likvidacionom upravniku, uzimajući u obzir:
 - a) obim likvidacione mase,
 - b) složenost likvidacionog postupka,
 - c) dužinu trajanja postupka.
- (2) Likvidacioni sudija može likvidacionom upravniku, na njegov obrazložen zahtjev, odrediti pored osnovne nagrade i dodatnu nagradu.

Član 5

(Visina osnovne nagrade za likvidacionog upravnika)

- (1) Osnovna nagrada likvidacionom upravniku po osnovu vrijednosti unovčene likvidacione mase iznosi najviše 35.000 KM.
- (2) Dodatna nagrada likvidacionom upravniku iznosi najviše 1/3 iznosa osnovne nagrade.
- (3) Dodatna nagrada likvidacionom upravniku neće se isplaćivati ako je vrijednost unovčene stečajne mase do 50.000 KM.
- (4) Nagrada likvidacionom upravniku u predmetima u kojima nema stečajne mase za unovčenje određuje se paušalno u iznosu do 1.500 KM i isplaćuje se iz predujma troškova ili iz uplate zainteresovanih lica (članovi društva, dioničari, povjeroci i druga lica koja nisu u sukobu interesa).

**Član 6
(Tarifa za obračun osnovne nagrade
likvidacionom upravniku)**

Osnovna nagrada likvidacionom upravniku po osnovu vrijednosti unovčene likvidacione mase obračunava se u skladu s Tarifom, koja se nalazi u prilogu 1 ovog pravilnika i čini njegov sastavni dio.

**Član 7
(Dodatna nagrada)**

- (1) Likvidacioni sudija rješenjem utvrđuje visinu dodatne nagrade likvidacionom upravniku, uzimajući u obzir:
 - a) složenost likvidacionog postupka,
 - b) dužinu trajanja postupka,
 - c) uspješnog unovčenja imovine.
- (2) Ako stečajni sudija utvrdi da su ispunjeni istovremeno svi uslovi iz stava 1 ovog člana, odredit će jedinstvenu dodatnu nagradu, s tim da dodatna nagrada neće iznositi više od 1/3 iznosa osnovne nagrade.

**Član 8
(Složenost likvidacionog postupka)**

- (1) Složenost likvidacionog postupka određuje likvidacioni sudija prema:
 - a) broju prijavljenih i ispitanih potraživanja,
 - b) ažuriranosti pravne dokumentacije za imovinu dužnika koju je tokom likvidacionog postupka upravnik ažurirao,
 - c) povećanju likvidacione mase putem pravosnažno usvojenih zahtjeva po pobožnim radnjama i sl.

**Član 9
(Umanjenje nagrade likvidacionom upravniku)**

- (1) obrazložen zahtjev za umanjeno nagrade likvidacionom upravniku likvidacionom sudiji mogu podnijeti vlasnici dužnika najkasnije na ročištu za diobu.
- (2) O zahtjevu za umanjeno nagrade upravnik ima pravo da se izjasni u roku od osam dana računajući od dana saznanja za zahtjev.
- (3) Likvidacioni sudija po zahtjevu za umanjeno nagrade likvidacionom upravniku donosi odluku u roku od 15 dana od dana prijema zahtjeva.
- (4) Likvidacioni sudija donosi odluku kojom srazmjerno umanjuje nagradu utvrđenu u skladu s ovim pravilnikom ako utvrdi da je likvidacioni upravnik svojim radnjama oštetio interese povjerilaca i vlasnika dužnika.
- (5) Likvidacioni sudija ne umanjuje nagradu na osnovu pismenog obrazloženja likvidacionog upravnika, ako utvrdi da je dužina trajanja postupka opravdana usljed složenosti likvidacionog postupka, nepostojanja validne dokumentacije o svojini imovine, vođenja sudskih i upravnih postupaka koji nisu okončani, promjene likvidacionog upravnika i drugih objektivnih okolnosti na koje likvidacioni upravnik nije mogao da utiče, uključujući i postupanje drugih organa.

**Član 10
(Nagrada kod promjene likvidacionog upravnika)**

Ako do promjene likvidacionog upravnika dođe iz opravdanih razloga, likvidacioni sudija rješenjem likvidacionom upravniku određuje nagradu srazmjerno obavljenim poslovima u likvidacionom postupku.

**Član 11
(Plaćanje poreza, doprinosa i drugih naknada)**

Isplata svih novčanih iznosa nagrada u skladu s ovim pravilnikom su bruto iznosi, koji obuhvataju iznose poreza, doprinosa i drugih naknada po osnovu ovih primanja, u skladu s propisima kojima se uređuje ova oblast.

**Član 12
(Naknada troškova u postupku)**

- (1) Likvidacionom upravniku isplaćuje se naknada svih troškova koji su bili neophodni i direktno povezani s konkretnim likvidacionim postupkom, i to putnih troškova, dnevnica, troškova smještaja u skladu s Pravilnikom o visini i načinu

obračuna naknada troškova službenog putovanja u institucijama pravosuđa Brčko distrikta BiH.

- (2) Uz obrazložen zahtjev za isplatu naknade likvidacioni upravnik dostavlja sudu relevantnu dokumentaciju o stvorenim troškovima (putne naloge, račune, pozive za ročišta i sl.)

**Član 13
(Nagrade angažovanim stručnim licima
za potrebe postupka)**

- (1) Visina nagrade angažovanim stručnim licima za potrebe konkretnog postupka (vještaka, revizora, advokata i dr.) određuje se prema važećim tarifama o nagradama i naknadama za rad tih stručnjaka.
- (2) Visina plata i naknada za angažovane radnike za obavljanje poslova u likvidacionom postupku određuje se u skladu sa Zakonom.

**Član 14
(Primjena Pravilnika)**

Naknada i nagrada likvidacionim upravnicima, drugim angažovanim licima za obavljanje poslova u započetim likvidacionim postupcima obračunat će se prema propisima koji su bili na snazi kada su ti postupci počeli.

**Član 15
(Stupanje na snagu)**

Ovaj pravilnik stupa na snagu danom donošenja i objavit će se u Službenom glasniku Brčko distrikta BiH.

Broj: SuPK-03-1868/19
Brčko, 19. 11. 2019. godine

**PREDSJEDNIK
PRAVOSUDNE KOMISIJE**
Safet Pizović, s. r.

Tarifa

Osnovica za obračun likvidacionom upravniku prema vrijednosti unovčene likvidacione mase

Redni br.	Osnovica za obračun	Osnovna nagrada u bruto iznosu
1.	do 10.000 KM	ukupna nagrada može iznositi najviše do 1.500 KM
2.	od 10.001 KM do 50.000 KM	ukupna nagrada može iznositi najviše do 3.000 KM
3.	od 50.001 KM do 100.000 KM	ukupna nagrada može iznositi najviše do 5.000 KM
4.	od 100.001 KM do 200.000 KM	ukupna nagrada može iznositi najviše do 7.000 KM
5.	od 200.001 KM do 500.000 KM	ukupna nagrada može iznositi najviše do 12.000 KM
6.	od 500.001 KM do 1.000.000 KM	ukupna nagrada može iznositi najviše do 15.000 KM
7.	od 1.000.001 KM do 2.000.000 KM	ukupna nagrada može iznositi najviše do 20.000 KM
8.	od 2.000.001 KM do 3.000.000 KM	ukupna nagrada može iznositi najviše do 25.000 KM
9.	od 3.000.001 KM do 10.000.000 KM	ukupna nagrada može iznositi najviše do 30.000 KM
10.	od 10.000.001 KM do 50.000.000 KM	ukupna nagrada može iznositi najviše do 32.000 KM
11.	preko 50.000.000 KM	ukupna nagrada može iznositi najviše do 35.000 KM

28

Na osnovu člana 22 stava 1 tačke d) i člana 61b stava 7 Zakona o Policiji Brčko distrikta Bosne i Hercegovine (Službeni glasnik Brčko distrikta Bosne i Hercegovine, brojevi: 31/09, 60/10,